

ACD Val Badia - SVD Dietenheim Aufhofen

Inviato da Renato

Ultimo aggiornamento martedì 01 agosto 2023

Domènia, 16. otober 2022

Cun na buna prestaziun à fat la Val Badia na bela figöra cuntra i pröms. Cun en pú plú de fortüna esel ince podú salte fora en resultat pêr

Danter i pröms dl Dietenheim y la Val Badia pen ultima te tlassament él la desferenzia de begn tredesc punc. Darale chá na derta "goleada" o ará la partida n atra storia. Dô na buna partida anse pordú mâ cun n gol de desfarenzia, cuntra la miú squadra dl campionat. Lapró él ince sté dôs decijiuns dl arbiter der "stritades" che é jödes al begn di pustri.

Le pröm temp é sté sóghè ala pêr, scé nia miú. Sciode dla pröma chert d' ora tl secundo temp, olaché cun le un, dui dl Dietenheim sá la formaziun ladina pordú. Ala fin la speranza dl pêr se descflama ia y al es ince podú tome le 3 a 1 por i Pustri. Al 6` menüt él n cross da man ciamp de Videsott por Pizzinini che dan le limit dl aria tira de püch sura porta fora. Dô da 13 de jüch tira le Dietenheim na puniziun da dan l' aria te porta zentralmenter, Ferdigg para sighú. Al 27` menüt dô deplú trates indolater atoca n defensur di ghesc le palê cun na man. Mó le arbiter ne scüra nia le önescmetri che foss sté ??? Dô da 34` de jüch ó Ferdigg trá demez n palê mó sbalia ti le tiran dan i pêsc de n atacant dl Dietenheim. Chesc asvelt tira te porta öta, sön la ligna é bun Kastlunger da trá demez le gran prigo salvan le resultat. Al 38` menüt toma le vantaje por la Val Badia. Sön na trata verticâla röia t' aria le curan a Schrott che tira bel sön le secundo pé por le 1 a 0. Na deviazion de cé te porta sön na trata da ciantun al 40ejim vegn zentralementer parada dal un ladin. Le tê dô le pröm temp à propi na der buna saú, ciaran al resultat dl vantaje. Al 47` menüt toma bele le 1 a 1. Sön la trata verticâla püch dan porta röia dui atacanc dan Ferdigg, un de chisc, le plú ascvelt J.Volgger lascia pié ia na gran trata che porta le palê te rei por le 1 a 1. Al 52` de jüch röia sön na trata te aria pustra sú Videsott dan le Portier Messner y tira te porta por le 2 a 1. Le arbiter anuleia por avei odú na posiziun de "foradaljüch" der, der "dubia" y "stritada" da pert dla Val Badia. Dô da 58` menüc röia na crossada da la man derta dan porta al sú atacant M.Winkler che devieia te porta por le 1 a 2 por i pröms te tlassament. Al 68ejim scbalia Barbolini la passada al compagn, sön chesta röia n atacant puster che por fortüna tira sura porta fora. Al 84` menüt él na gran indecijiun danter dui defensurs ladins, che le atacant dl Dietenheim scrüta tira te porta bel sú. Mó Ferdigg cun na gran deviazion dij denó al 1 a 3. Cun le resultat de 1 a 2 se röia la partida, almanco cun la sodescfaziun de avei fat asuié i pröm dl Dietenheim/Aufhofen. Speran por la Val Badia de jí inant cun cí che an á odú de bun te chesta partida.

ACD Val Badia - SVD Dietenheim Aufhofen: 1 - 2

Formaziun dla Val Badia: 1.Rene Ferdigg, 2.Mattia Kastlunger, 3.Davide Pellegrini, 4.Omar Crepaz (dal 90` Alexander Ploner), 5.Matteo Ploner, 6.Florian Barbolini, 7.Roberto Del Negro (dal 68` Luca Valentini), 8.Alex Stampfer (capitan), 9.Max Videsott, 10.Luca Pizzinini (dal 50` Marc Mayr), 11.Felix Schrott.

Alenadus: Gianni Crepaz y Hanspeter Graffonara.

Gol por la Val Badia: 38` Felix Schrott.

Proscima partida: en sabeda, ai 22 d' otober 2022 da les 15:30 sön la plaza da San löre cuntra i Jergina Amateure.